

Кому Республикаса том войтырлөн газет



Гөгрөс мича лыдпас

8-9 л.б.



## Тайо НОМЕРЫН

Сыктывкарса коми нывъяс пöвстын «Райда» мичлун конкурс кышыда мунис колян вежонö «Октябрь» прöст кад колялан шöринын. Тайо конкурс лои республикаса ордысöмлөн бöрийсян тшупöдөн. Юркарыс медмича ныв водзö кутас дасгысыны Коми Республикаса конкурс кежлö.

4.5  
л.б.

Гöгрöс да мича лыдпас, 110 вося тшупöд, пассив Корткерöс районыс Висер сиктса библиотека.

Октябрь 10 лунö библиотеказö чукöртчылысны вöвлöм уджалысыс, Корткерöсса да Ыджыдвидзса уджёртыс, меся бур лыддысысыс.

8.9  
л.б.

Мача хоккейон ворсаң «Сыктывкар» командакöд «Йöлогаса» лыддысыс тöдса нин. Казыштам, клубыс нималö миян республикаын 2003 восянь да öтувтö найöс, кодъясы хоккей абу прöста кад колялöм, а радейтана удж.

12  
л.б.

Челядыд кымын быдмöны, сымын сьöкыджык накöд воöдчыны öти кывйö. Мый вöчны бать-мамлы? Кыдзи сёрнитны ныв-пикöд? Кыдзи наыс быдтыны прамой йöзöс?

Тайо да мукöд татшöмсяма юалöм вылö вермасны вочавидзны сöмын специалистъяс, мöд ногөн кө, велöдчöм войтыр, кодъяслөн эм ыджыккод нин опыт.

14.15  
л.б.



## Велöдчысыяслы - öткодъ паськöм

Талун кежлö уна школаса велöдчыс ветлöны нин öткодъ паськöмөн. Вель уна нин фабрика дасгö школаса паськöм торъя велöдчаниньяслы. Миян республикаын тшöтш кутасны вурны татшöм костюмъяссö. Та йылыс и мунис сёрныс мöд вося бюджет лöсьöдигөн.

Комиян медыджыд вурсьыс фабрикаыс талун - Воркутаын. Ухтаын да Сыктывкарын эмöсь жö вурсьысыс. Кольöм во юркарса «Биарма» котыр восьтис школаö ветлан паськöм вуран цех. 2015 во заводитчöмсянь уджö кутчысыс Сосногорскса вурсян фабрикалөн торъя цех, Емдін районса Зөвсёртын тшöтш кутасны вурсьыны.

Öни специалистъяс уджалöны паськöмлөн стандартъяс вылын. Кыдзи лö водзö - петкöдлас олöмыс.



## Этнографияыс урокъясөн - мукöд регионö

Россияса финн-йöгра культура шöрин кутчысö вель проектö - сийö көсий нуöдны этнографияыс урокъяс и мукöд регионын. Татшöмсяма культурно-просветительскöй занятиеясыс мунасны войтыркостса «Финн-йöгра транзит: челядылы гаж» искусство да йöзкост творчество фестивалкöд йитöдын.

Медводдза этнография урок мунас Марий Элын. Кывзысыснас лоасны Йошкар-Ола карса 14 номера гимназияын велöдчысыс. Велöдысыс тöдмöдасны челядсö финн-йöгра да самодий войтыркöд, рöдвуж йитöдысөн, кывкöд йитчöм овлыс мыгшöдъясөн, финн-йöгра войтырлөн талунъя олöмөн да уна мукöдторйөн. Томуловлы мойвиас видзöдны на йылыс дасгöм видеосюжетъяс да кинояс, кытчö ыджыд пай пуктисны шöринса уджалысыс.

Марий Эл бöрын этнография урок мунас Удмуртияын да Пермь-Коми кытшын. Проект ассыс уджсö заводитлис 2013 воын нин. Медводдза кывзысысөн вöлины миян республикаса студентъяс. Быд занятие сэки вöли сиöма торъя войтыркöд тöдмасöмлы. Лекцияяс кындзи томуловлы сідзжö петкöдлісны дасгöм кинофильмъяс.

Комиинформ серти



**ТӨЖД-МОГ**

**XXI нэмын Россияса пöшти быд карын, сиктын кывлан йöзсянь пеж кывъяс, матькөм-сөткөм. Том йöз чайтöны: матькынытö пö весиг моднö. Шог таысь! Матькöны и верстьö, и томулов, и весиг детсадыын посни челядь. Туялысьяс серти, Россияын матькөмөн сёрнитö войтырлөн 70 прöчентыс.**

# Мынтöдчам пеж кывйысь!

Татшöм сёрнилөн важөн вöли языческой вежортас, сы отсөгөн сиисны лёктор вөрöглы, заклятие шуалисны. Матькөмөн мортыс петкөдö чуkörмөм лöглунсö. Язычникъяс эз матькывны гортаныс либö гидас, öд таdzi вермисны тшыкöдны скöтсö. Алексей Михайлович Романов сар кадö ылаын пеж кыв эз юргы - таысь вичмис стрöга накажитöм, весиг казнитöм.

Мыйла эськö öни мөвпавтöг пеж кывйөн шыбласям? Со муна улич кузя да аддза том йöзöс. Найö матькöны, юöны курыдгор. Зонъяскöд сулалысь нылыс оз жö

кольчы матькөмысь. Том морт кö юö курыдгор, сідзкö, сылы лавкаын вузалисны. Быттьö томулов оз гөгөрвоны вöчөмторнысö. Нылыс öд коркö тшöтш лöө мамөн! Кутшöм пример петкөдлас быдтасъясыслы? Сідзкö, челядыс тшöтш кутасны юны да мисьтöма сёрнитны.

Сöвет кадö матькөмысь вермисны пуксьöдны дзескыдинö. А мыйла öни абу тадз? Россияса законодательство серти ичöt хулиганитöм - йöзаинын пöрадок торкөм, кор мукöд йöзöс он пыди пукты, увтыртан; пеж кывйөн вöдитчöм. Таысь вермö лоны

штрап - 500 шайтсянь 1000 шайтöдз либö 15 суткиöдз административной арест.

Чайта, штрафсö колö кыпöдны 5000 шайтöдз да вылöджык. Мортыд öтчыд öлөдöмөн оз öвсы. А бергöдны кö матькөмысь ыджыд сьöм, öдйö вежорас кольö да дугдас мисьтöма сёрнитны.

Гашкö, тиян серти меным водзджык на тадзисö мөвпавны, но кöсья, мед менö кыласны. Кöсья, медым миян страна вöли культурной странаөн.

*Ирма БЛЮМ,  
Эжва районса «СМЭЖ»  
пресс-центрö ветлысь.*



Сыктывкарса коми нывъяс пöвстын «Райда» мичлун конкурс кыпыда муніс коллян вежонö «Октябрь» прöст кад коллялан шöринын.

# Мича-мича Райда!

Тайö конкурс лои республикаса ордйысьöмлön бöрйысян тшупöдön. Юркарысь медмича ныв водзö кутас дасьтысьны нин Коми Республикаса конкурс кежлö. А тайö рытö «Райда» ним көсйисны шедöдны 4 мича ныв: Коми Республикаса госслужба да управление академияысь студентка Анастасия Леканова; Коми Республикаса исскуствояс колледжын велöдчысь Татьяна Мартюшова; И.А.Куратов нима гуманитарно-педагогической колледжысь студентка Александра Канева да юркарса Коми культура шöринысь специалист Викторія Канева.

Медым тайö нель авъя нывка пöвстысь бöрйыны медбурсö, конкурс дасьтысьяс лöсьöдісны вит тшупöда программа. А нуöдісны гажсö Пера (Константин Карманов) да Зарань (Анастасия Михайлова). Медводз конкурсантакяса висьталісны ас йывсьыныс, тöдмөдісны асланыс олом да творчествоөн, петкөдісны ас киөн вöчөмторъяс.

Конкурслөн мөд тшупöдön лои быдсикас кужöм-лунъясөн петкөдчөм. Та бöрын дзик нин лои гөгөрвоана, мый коми нывъяс абу сöмын мичаөсь, но и зэв на енбиаөсь. Найö и сывны-йöктыны дасьсöсь, да и артисталан сямыс тыдалö.

Торъя нин интереснöйөн лои коймөд тшупöд. Конкурсантакяса водзö вöлі сувтöдöма мог - петкөдлыны коми обрядлысь кутшöмкö юкөн. И збыль, найöс видзöдігөн быттьö недыр кад кежлö веськавлан важөн нин кольöм воясö. А кор петкөдчис Анастасия Леканова, залын пукалысь том йöзлы мойвиис весиг ворсыштны важся коми ворсöмъясысь.

Та бöрын Пера да Зарань корисны нельнан нылöс сцена вылö. Воис кад петкөдчыны сідз шусяна дефилеын - конкурсантакяса мичаа да статья мунісны сцена вывтi карнана ведраясөн. Видзöдан да, быттьö абу и сьöкыд, но öд коліс эз сöмын мичаа мунны, нюмъялігмоз, но и васö ведраясь бокö не киськавны. Ок, и мичаа вольсалісны нывъяс!

Став тшупöд пиысь медбöръяөн вöлі интервью. Донъялысьяс сьöрсьөн-бöрсьөн, шмонитiгмоз сөталісны «Райда» ним вöсна ордйысьысьяслы юалöмъяс: кодлыкö вичмис вочавидзны драматургия тема вылö, а кодлыкö висьтасыны, кутшöмөн сійö аддзö öнія коми нылöс.

А сэсся и воис кад лыддыны балъяс, кодöс донъялысьяс пукталісны-тэчисны быд конкурс бöрын. Тайö кадö сцена вылын гөсьтъяслы сьыліс Татьяна Парначёва, а асьыныс шемöсмöдана паськөм петкөдісны «ЮгыдАрт» да «Зарни Пас» мастерскöйяс.

Балъяс лыддöма, нывъяс сцена вылын, воис тайö рытлөн медвиччысяна здук... Код нö лои вермысьөн? Залын пукалысь войтыр асьыныс гөлöсьяс сетісны Татьяна Мартюшова. Коймөд места да «Пөлöзнича» ним вичмис Анастасия Леканова. Мөдөн лои Александра Канева, сьлөн гөрд лента вылын мичаа югъяліс «Катшасин» ним. А Сыктывкарса коми нывъяс пöвстысь медмичаөн да «Райда» ним босьтысьөн лои Викторія Канева. Быд конкурсантакалы вичмис диплом, козин да дзоридзяс.

Мария ИГУШЕВА.



Уси шуд конкурс бöрын аддзысьлыны «Райдакөд» - Викторія Каневакөд, сійö окотапырысь юксис миянкөд аслас радлуннас:

- Рытыс вель бура коліс. Ме, дерт, аслам котыркөг ёна дасьтысьи ордйысьöм кежлö. А конкурс дырйи зiли этшаджык майшасыны, медым некытчö не джөмгыны. Чайта, ставыс артмис бура! Сьөлөмсянь аттьöала асьым уджъертъясöс, налөн отсөг ыджыд пай пуктіс менам вермөмö.





## Открыткаяслөн виль олём

Ми важөн нин велалім шыёдчыны óta-мод дорö отуввез пыр. И збыль, сы отсөгөн позьö öдйö да кокниа мододны ёртлы письмö, чолөмавны серпасон бур тöдсаёс. Но öд кутшөм долыд локны гортö да аслад пошта яшикысь аддзыны збыльвывса открытка. Кутыштны сийöс кийн, видлавны гөгөрбок, донъявны маркаяс да гижöд. Содтöд, сийö вермас лэбны-воны тэ дорö ылі муысь, а гашкö, и суйөр сайысь. Мир пасьтала йöзкöд бумагаысь открыткаөн вежласьöм шусьö посткроссингөн.



Посткроссинг чужи 2005 воö Португалияын. И тайö кадсянь пыр унджык и унджык морт кутіс лыддыны открыткаясөн вежласьöмсö аслас хоббиөн. Öнiя кад кежлö мир пасьтала олö 500.000 гөгөр посткроссер. И тэ тшöтш верман лоны на пöвстын. Сöмын колö регистрируйтчыны [www.postcrossing.com](http://www.postcrossing.com) сайт вылын, неуна тöдыштны англаия кыв да пошта вылысь ньöбны ассьыд медводдза марка да открытка. А та бöрын тэнö вичысьö уна интереснöй йöз, и открыткаяс вылын мыччысясны быдсикас серпасъяс уна-уна странаысь. Вермас лоны, мый мукöд ин йылысь тэ тöдмалан медводдзаясь на.

Уси шуд неуна юасьыштны та йылысь юркарса посткроссеръяслысь:

**Маша (22 арöс):** Кык во сайын ме заводиті ноксьыны посткроссингөн. Медводдза открытка меным воис Тайваньысь. Öнi менам коллекцияын 44 странаысь 150 сайö открытка нин. Медьёна ме радейта мөдöдны открыткаяс, корсьны аслыспöлөс серпас да маркаяс быд мортлы.

**Вика (23 арöс):** Ме важысянь нин чукöрта уна сикас открытка. А кор ёртöй висьталіс посткроссинг йылысь, ме дзык пыр гөгөрвои, мый тайö менам сьöлөм серти. Ёнджыка ме, дерт, виччыся саригз да сьöда-егжыда ретро серпасъяс. А содтöд посткроссинг отсөгөн ме водзö велöда англаия кыв.

Мария ИГУШЕВА.



**Кутшöм кага оз көсйы, медым сьлөн серпас ловзис? А со юркарысь 18 номера школаын 4-öd А класса велöдчысьяслөн тайö көсйöмыс збыльмис. Октябрь 8-öd лунö Коми национальной галереяын йöзöдисны «Легенды и сказания народа коми» анимационной кино.**

Уна йöз чукöртчылис-ны презентация залын: велöдысьяс, бать-мам да, дерт жö, медся колана гöсьтьяс - челядь, кодлөн серпасъяссыс и артмис тайö шемöсмöдана мультфильмыс. Чолöмалана кывъяс бöрын залын пукалысьяс окотапырысь видзöдисны экран вылысь Пераöс, Яг-Мортöс, Шыпичаöс, Зарни Аньöс.

Но медым тайö ичöтик мультфильмыс збыльмис - лой нуöдöма ыджыд удж. 2013-2014 велöдчан воö, сэк жежлö 3-öd классын на велöдчысьяс, воывлісны Национальной галереяö

# Ловзьöм серпасъяс

Викторовналы воис мöвп найöс ловзьöдны.

Отувтис да бура ыджыд пай пуктис тайö уджö Национальной галереяысь том художник Евгения Анисимова. Сійö и ловзьöдис челядьлысь серпасъяс. Медым артмис вит минутаа мультфильм, ковмис сюрс сайö кадр, и быдкöд колö вöлі уджавны торйөн.

- *Тайö мультфильм вылас муніс вель уна каг, но сэк жö меным вöлі кокни да интереснö*



торъя уджтас серти, кодöс дасьтисны музейса педагог Светлана Викторовна Карпуничева да 18 номера школаысь велöдысь Валентина Николаевна Оптовко. Челядь унаысь воывлісны тöдмасьны уна сикас выставкаөн. Быд татшöм волöм бöрын челядь ассьыныс сьölöмкылöмъяссö краскаяс да карандашъяс отсöгөн вуджöдисны бумага выlö. Öти татшöм выставкаөн, кодöс донъялісны том видзöдысьяс, лой «Василий Игнатов. Стиль и Этно» выставка. Аслыспöлöс творческой видзöдлас да техника шемöсмöдисны челядьöс. Буретш та бöрын и чужисны мультфильмөн геройяс. А Светалана

*уджавны. Öти-кö, бура дыр пукалан да йиталан кадръяс öта-мöдыскöд, а кор адгзан, мый артмис, дзик пыр лöд голыг.*

Кыдзи ми вермим аддзыны, удж артмис. И быдөн пуктис татчö ассьыс пай.

Презентация бöрын быд ичöt художниклы вичмис мультфильмөн диск, а рад челядь юк-сисны миянкöд асланыс сьölöмкылöмъяссөн. Слава Каява виччысьöма ассьыс Зарни Аньöс экран вылысь бура дыр, а сійö, вöлөмкö, пом жежлас мыччысис.

- *Ме зэв сюся видзöдi мультфильмсö, медым нинöм син улысь эз вош. А сэсся и ассьым Зарни Аньöс öшкамöшка вылысь адгзи да лой зэв*

*раг, гортö локта да ёртъяслы тиöти петкöдла, чайта, мый налы тиöти кажитчас, - юкис радуннас Слава.*

А нывъяс чукöрөн висъгасисны, мый налы нöшта на окота татшöм мультискö вöчны. А Рита Никитиналөн серпасыс афиша выlö на веськалама:

- *Меным вичмис лёк геройöс серпасавны. Медводз вöлі сьöкыг, а сэсся и аслым куніс сійö кажитчыны, да и мифён тöдмасьöм ёна отсаліс.*

Чайтам, мый татшöм енбиа йöзлөн тайö абу медбöръя отувъя удж, да миянлы удайтчас на донъявны уна мичатор.

**Мария ИГУШЕВА.**





ГАЗ

Коми Республикаса В.Т.Чисталёв нима культура колледжын велөдчысыя гажтöма овны оз кужны. Со и öни, октябрь 10 лунö, нюмъялысны да радлысны том «семьялөн» выльлаö (колледжö) овмөдчöмлы.

# Куж овны да радлыны быд лунлы!

Выль «семьясы» - тайö социально-культурной оломын менеджер специальность серти медводдза курса велөдчысыя. Найö олоны-велөдчöны медводдза судтаын жö. А выль овмөдчанинын найöс бура вочаалысны мөд курса студентсыя.

Выль олысыяслы вочаалысыя вöзйисны видзöдны телепередачаяс. Студентлөн гардероб йылысы висыталыс да гусыторьяс восьтыс Эвелина Хромченко (ворсис 2 курса велөдчысы Елена Аверина). Эвелина Хромченколысы вöзйöмъясысö администрация оз тшöкты пыдди пуктыны, öд культура колледжын велөдчысы лоас дзык мөд пöлөсөн, гөтөрвотөмөн. «Модной приговор» нуöдис Александр Васильев (сылөн рольын зэв бура петкөдчис Юлия Мурашкина, 3 курсы велөдчысы). Александр Васильев зэв лöсыда сёрнитис да колана инö содалыс Б.Окуджавалысы кывбуръясысö. Леонид Якубович том олысыяслы вöзйис тöдмавны кроссворд (ворсис Маша Мицковская, 2 курса студентка).

Та бöрын сцена вывсыянь юргис музыкальной ролик. Сийöс дасытöмабсы 4 курсы велөдчысыя. А таысы кындзи видзöдысыя тöдмасысны 2 курса студентсыяслөн быдлунъя олом йылысы дасытöм презентацияөн. Вöли и велөдысыясыянь, гаж дырйи веськөдлысыяслөн котырянь, петкөдчөм. Медводдза курсы велөдчысыя тшöтш жö окотапырысы гажöдчисны сцена вылын.

Колö пасйыны, мый культура колледжса мөд курсы велөдчысыя олоны ёна ёртасыөмөн да гажöдчөмөн. Тайöс жö найö виччысыöны и медводдза курсыянь. Шулоны тай, куж колана ногөн овны да радлыны быд выль лунлы!

**Кристина СЕРГЕЕВА.**

*Материалсö дасытöма культура колледжлөн сайт серти.*



# Гöгрöс мича лыдпас

Октябрь 10 лунö библиотекаö чукörtчылысны вöвлöм уджалысьяс, Кörtкерöсса да Ыджыдвидзса уджёртыяс, медся бур лыддысьысьяс, сикт овмöсөн веськöдлысь Анна Андреевна Попова, «Коми йöзöдчан керкаысь» журналистыяс да мукöд пыдди пуктана йöз.

Гöсьтыясöс ёна и гажöдисны Висерса томулов: сьölöмсянныс мичаа сьылысны-йöктисны. Петкöдчис тшöтш и аканьяслөн театр - ичöt классын велöдчысьяс дасьтöмаöсь «Колобок» мойд. Сиктса аньяслөн «Кудесница» котыр тшöтш чолöмалис радейтана библиотекас сьыланкывйöн да кывбурöн. Кутшöмöн вöли уна во сайын библиотекаса уджалысь - тыдовтчис шмонитана мода дефилеын. Сийöс дасьтысны библиотекабердса «В кругу друзей» том йöзлөн котыр.

Бöргя вит восö библиотекаөн веськöдлö авъя да водзмöстчысь ань Светлана Владимировна Игушева. Сийö чолöмалис гöсттыясöс тшупöда пасён, а тшöтш пасйис сиктса медбур лыддысьысьясöс. Сидз, медбур лыддысьён лои 5 классысь Павел Габов, тöдöмлунъяслань сибöдчысь 5 класса жö Роберт Мишарин, библиотекалөн отсасысь, 5 классын жö велöдчысь Ида Игушева, библиотекалөн медбур ёртөн лои Альвия Ивановна Попова, а медся лыддысьысь семья - Гений Иванович да Эмма Васильевна Спартакъяс.

Висерса библиотекаос бур да ошкана кывъясөн чолöмалисны Кörtкерöсса шöр библиотекаын уджалысьяс, аскöдныс найö вайöмаöсь пызанывьса бильярд да виль улöсьяс. Шань кывъяс вичмисны Светлана Владимировналы «Йöлöга» газетса главнöй редактор Галина Макаровасянь, сийö атгыöалис водзмöстчысь аньос бур уджысь да томуловöс коми газет-журнал лыддыны ышöдöмысь. Сиктса овмöдчанённөн веськöдлысь Анна Андреевна сетис библиотекалы сьöма козин.

Нöшта öти козинөн висерсалы лои Ыджыдвидзысь Кино Васьлөн гудок шы улö мича сьыланкывъясөн петкöдчöм.

## Пырöдчылам важас

А гаж кежлö дасьтöм презентацияын воём гöсьтыяс пырöдчылысны Висер сиктса библиотекалөн историяö. Уна во чöж вежсьöм-сöвмöм, уна сьöкыдлун венöм, уна көлена лыддысьысьлысь тöдöмлун кыпöдöм тыдовтчö библиотеканыслөн историяын.

19 нэм помын Коми муын вöлöма этша библиотека, но 20 нэм заводитчигөн ставыс вежсьöма. Усть-Сысольск уездын 1901 воын воссьöма 8 библиотека, воссьöма и Нёбдинын лыддысьян керка. Сэсся нин 1903 воö - Доддзын, а 1904 воö - Маджаын, Мординын, Пезмöгын, Шойнатынын, Ыджыдвидзын, Одыбын, Керöсын да Висерын.

Висерса библиотека воссьöма земскöй училище бердын и сэкиа кадö шусьöма Богородск вөлöсьтса Вишерскöй народнöй библиотекаөн.

Медводдза библиотекарон вöлöма Александра Николаевна Чеусова, кодö уджалöма сэнэ 1915 воöдз. Гожся каникул дырйи сийöс вежöма вичкоын уджалысь Александр Попов. Библиотекаыс уджалöма быд лун, воссьылöма урокъяс бöрын да сёррытöдз. Шойччан лунö либö праздник лунö - 12 чассянь 14 часöдз. Абу уджалöма библиотекаыс Ыджыд лунö, Рöштвоö, январь 1 лунö да Йöввывлөн бöргя куйм лун дырйи.

Öти библиотека вылö Усть-Сысольскса уезднöй земство торйöдöма вонас 77 шайт: 36 шайт мунöма библиотекарлы удждон вылö, 30 шайт - виль небöг ньöбöм вылö, 5 шайт - небöг дзоньталöм вылö да 6 шайт - керосин да сись вылö.

1905 воö библиотекаас вöлöма 321 небöг, пасйöма 58 лыддысьысьяс, а вонас лыддыöмаöсь 261 небöг.

1907 во. Библиотекаын вöлöма нин 605 небöг, 65 лыддысьысь, лыддыöма 416 небöг. Вöлöма «Библия», «Библейские рассказы», Н.Гогольлөн «Ночь перед Рождеством», А.Пушкинлөн «Выстрел», «Руслан и Людмила». Вöлöма и сикт овмöс серти литература. Гижöдчöм журналъяс лыдын - «Биржевые ведомости», «Сельский вестник» да мукöд.

1915 воö библиотекаö пырöма уджавны Евдокия Егоровна Вахнина да уджалöма 1940 воöдз. 1940 воö локтöма Александра Филипповна Макарова, но сийö абу дыр уджалöма, 1941-öd воын вуджöма уджавны изба-читальняö. Сы местаö босьтöмаöсь Мария Павловна Габоваос. Библиотекаыс да изба-читальняыс нуöдöмаöсь öтув удж - кыпöдöмаöсь йöзлысь тöдöмлун, воссьöма тшöтш агрокружок. Мария Павловна уджалöма библиотекарөн 1949 воöдз.

1949-1951 воясö локтöма уджавны Мария Дмитриевна Латкина. Сийöс вежöма Матрёна Ивановна Подорова. 1951 воö библиотекаөн заводитöма веськöдлыны Тамара Ефимовна Калистратова, кодö уджалöма 37 во. 1967 восянь библиотекаыс меститчöма сиктса вичколөн мöд судтаын. Бур уджысь Тамара Ефимовналы сетöмаöсь культураса уджалысьлысь заслуженнöй ним. А 1983 воын котыртчöма библиотекабердса медводдза краеведческöй музей.

1987 воын Тамара Ефимовнаос вежöма Нина Ивановна Ивашева, кодö уджалöма 22 во. А 2009 воö библиотекаса уджö кутчысьöма Светлана Владимировна Игушева. 2014 вося январын библиотеканын: 669 лыддысьысь, сы бердын уджалö 4 творческöй котыр, воö 31 газет-журнал.

**Екатерина МИКУШЕВА.**

**Снимокъясыс авторлөн.**







Иван БЕЛЫХ

# Мед инё зэрё-шлявгё

(Заводитчö вогдза №-ын.)

Медбöрын ягсö кытшовтöм бöрын нин шуи кежавны и неылысса кыддза шор бокö, кöни виж ельдöг да уль путник ёнджыкасö паныдасьлö. Öни кöтасьöмысь ог нин ёна пов. Көть сапöгъясö век жö неуна веськалис лысваыс, но гортö мунан кад нин воис. А сэни сэсса паччöр вылын косытыся и шонтыся. И, дерт жö, недыр кежлö унмовсьлöм бöрын кута вöтасьны зэра лунö яла нитшка ягын келалöмсö, а сэсса коркö дыр кад мысти нимкодъпырысь казътывлыны та йылысь. И кыдзи нö верман вунöдны кузь арся зэръяс йылысь? Найö öд абу гождя кодъось. Гожöмнад волас зэрыд колана либö ковтöм гөсьт моз, ассьыс уджсö вöчас да сэсса и бөр пыгъяс. И бара нин ярьюгыд шондä дзирдалö енэжын. А арнад лун бöрся лун быдса вежонъясöн сулалö кутшöмкö алыссикас зумыш поводдя. Лунтыръясöн кымөръяс оз вешйивны енэжысь. Мукöддырйи он весиг гөгөрво, зэрö али оз. Сынöдыс сэтчöдз ульсалöма, мый збылысь гөгөр быттьö зэра бусöн енэжсянныс коялöны. Но мукöддырйи и збылысь ёнакодъ зэрывлö. Быттьö косöдны нин кöсийö зэрыс коркöя гождя кос лунъясысь. И сэки нин ас кежысь терпитны позьтöма кутан виччысьны, кор нин сэсса кынмылас да еджыд эшкынöн шебрасяс муыс. Öд лун-лун кымöра лунъяс вöснаыс мукöддырйи дзикöдз усян ловнад. Сэтшöма гажтöмтчан шондисыс. Мед көть нин недыр кежлö сийö петкöдчылас енэжас. Сэк жö сэки и лунъясыд дженьыдджыкось, и шондис ёна улитиджык ветлöдлö. И кызкöд аслыс-ногөн зумышдджык лоан. Кузь төв йылысь гуся мөвпгъясöн сэки зиян такöдны асьтö. И тшöкыда тайö кадас мөвпалан жар пывсян йылысь. Збылысь ёна кокныдджык овывлö лов вылад, кор төвся ногөн нин ыркыд зэра ывлаысь веськалан чöскыд тшын дука жарөн ымралысь пывсянö.

И пыр жö мөвпыштан ас кежысь, мый абу на ставыс вошöма свет вылас, кутан на овны водзö, эм кө жар пывсян. Кутшöм лöсьыд корöсясьöм бöрын петавны ыркöдчыны пывсян кöджö да ловтö веськöдигмоз кузя ышлоалöмөн кывзыны зэрлысь пывсян вевтö таркöдчöмсö. Сэни, ывлаас, ыркыд. Весиг йирмөг босьтö. А тани со муртса верман терпитны жарсö. Да нöшта на содтöд корöсясяншвачкöдчан, мед бөръя кöдзыд русö вöтлыны ас пытшкөссьыд. А сэсса арся зэр улын ньöжйöник вöсьалан пывсянысь петöм бöрын гортдорса кильчöлань. И сэки зэрысьд весиг нимкодъ быдөн. Мед инё гортö пырöм водзвылын неуна ыркöдыштö вир-яйтö. И кутшöм лöсьыд сэки сэсса пукавны чай чашка юигөн пызан сайын да кывзыны öшиньö зэрлысь таркöдчöмсö. Сэни ывлаас со ыркыд, весиг йирмөг босьтö. А тани, пызан сайын, чай юигөн кокни лолыдды. И аски зэр улын вöсьалигөн бара кутан долыдпырысь казътывны талунъя пывсянсö.

Ичöтдырсян жö йиджтысисны паметьö гыма зэръяс. Пöрысь йöзыд пыр и шуисны сэки, Иляя Пророкыд пö рöдтö-гөнитö аслас телегаа вöлөн кымөръяс вывтыс. Тайö кадас гортын пыр жö занавесөн вевттьöны öшиньяссö, павкнитасны кузь чышгянён и ыджыд рөмпöштан вылö. Мед эськö эз жö су кутшöмкö загреки Ен ськöд. Быдсямаыс öд овывлис кузь олöмад. Менам челядьдырйи на öтчыд видз вылын суöма гыма зэрыд турун пуктысысöс. Ставөн удитöмаось пырны чомйö. Сöмын öтнас Степан Агни кытчöкö ывлавöма. Медбöрын казьялöма жö лёк кымөртö, повзöма да кутöма котöртны чомлань. Но сэки чардбиыд и косьöбгöма-луйöма сылы. Кыдзи көть сэсса аньтö абу зыралöмаось. Но сідзи ловзöдны абу и вермöмаось. И ковмис сэсса ичөтик на Шурик пиыслы мамтөг нин быдмыны.

А менö ачымöс кымынысь

сулис гыма зэрыд и вöрын, и вадорын. Дзесбывли сэки и пыж улö. Көть эськö оз позь тадзи вöчны. Но эз жö тай сэки лый-а. Векджык сувтывли кутшöмкö пусянь неылö. Лыяс кө пуас, мед меным оз жö веськав. Но Медыджыдыс тай век жö видзывлис менö тайö ускоттьöсьыс-а.

И пыр жö вöоны паметьö вадорын сийö вуграсьöмъясыс, кор менö сулис зэрыс. Но тайöс водзвыв нин тöдан да дасътысян сэк кежлö. Заптан пес да пестан бипур бересянь неылын сулалысь пашкыр коз улö. Шатинъястö вöйталöма нин самъясөн. А ачыд пукалан пашкыр коз улын бипурсянь неылын да кывзан зэрлысь сяркöдчöмсö. Коз пу улад сийö оз веськав, мыйта көть оз зэр. Видзöдан, кыдзи визувтысь ю вылын артмöны зэрысь ваболяс. А ачыд век на надейтчан, мый кутшöмкö васа лов вөрзёдас шатин йывтö. Көть эськö тöдан, мый зэригад чериыд зэв гежöда босьтывлö. Но чери кыйысьыд тай век мый вылöкö надейтчö-а. А лов вылад кутшöмкö шы ни төв. Раминик зэрыс да раммөм поводдяыс раммөдöны и мортöс. Тöдан, мый зэрыд тэнö оз көтöд. А орччөн трачкакылысь бипурыс оз лэдз гегдыны. И мөвпгъясыд сэки аслысногөн раминикось. Мөд луннас гортсаяс кутасны юасны менсьым, эз öмöй пö зэрыс көтöд. А ме сöмын воча шуа, кыдзи нö сийö көтöдас, видзчысян кө сыысь.

А зэрыд пыр колö мян вөрваыдды. Торйөн нин öнйа кадö, кор сы мында няйтсö моргыд лэдзö тыясö да юясö, урöстö и пармасö. И зэрыс быттьö весалö да мыськö няйтöссьöм вөр-васö, зильö видзны сийöс быдсикас омольсыс. И ме мукöддырйи чайта, мый зэрыс - Медыджыдыслөн синваыс, кодä сылөн петö му вылысь ловъя олöмсö видзитөн да дорйигөн. Сідзкö мед корсюрö зэрö-шлявгö мян му вылын. Сöстөмджык сэки, и вөр-ваыс лöо мортлы бур вылö.

(Пом.)





## Виль КЫВБУРЪЯС

Ассьыс кывбурьяс ыстіс Перым-Коми кытшса Архангельское посадысь Анна Васькина, кодi велöдчыліс таво «Гожся университетын». Со тай мый сылөн артмöма. Лыддьöй да донъялöй!

### Менам чужанін

Радейта ассим чужанін  
Эд сія зарниа, кыз асыв.  
Любуйтчö сійөн ті көть кин,  
Кывбурыс кокнита ольсассьö.

Ме понда дона чож шорок,  
Кöда кырас бокöt котöртö.  
Радейта визыв югöрок,  
Кöда виль лун йылісь юөртö.

Сьöлöм вөрзьöтö Иньва ю  
И тшöктö ловöс менчим сьывны.  
Кытшöм бы кыввез тэ эн шу,  
А этö колö дзир адззывны.

Сёгöдся рассэз, ыббез, вөр  
Радейта буржыка быд лунö.  
И басöкыс, мый ме гөгөр,  
Сьöлöмись оз нин вермы мунны.

Радейта асывся лысва  
Ме тыр кырыммезөн гумавны,  
Уськötны гажötан синва  
Да чужаніөлö радъявны.

Ме донта рытса сöстөм ру,  
Көр шондiыс гöглянөн лэдзчö,  
Ме донта ассим Парма му,  
Эд сысянь мирас дöс пондöтчö.

xxx

Мед коми кывлөн эз кус бичирок -  
Радейт сійö учötсянь, меддона ёрт!  
Донт чужанінсö! Зорöt Парма мусö!  
Мед сэсся, гортись мунікö  
Некөр эн вунöt коми кывсö!

xxx

Дзик тулысся сöстөм руөн  
Тэ пыркеж кольччин сьöлöмам. Ог.  
Ме тэнö некөр вунötны ог вермы.  
И этö тэ төдан бура öддьөн!





## СПОРТ

**Мача хоккейон ворсан «Сыктывкар» командакөд «Йөлөгаса» лыддысысь тӧдса нин. Казьтыштам, клубыс нималӧ миян республикаын 2003 восянь да ӧтувтӧ найӧс, кодъяслы хоккей абу прӧста кад коллялӧм, а радейтана удж.**

# Йи вылын и гажыс

Матыстчӧ выль ворсан сезон, сідзкӧ, команда водзӧ сувтӧ выль тӧжд-мог - республикаса да суйӧрсайса ордысьмӧ пырӧдчӧм.

Сідз шусяна «любительяс» пӧвстын мача хоккейон ворсан командаыс республика пасьта абу этша. Мукӧдыс «Сыктывкар» торъялӧ, ӧд торъя кабала серти ӧтнас лыддысьсӧ «юридической лицӧн». Выль вермӧмъяс шедӧдны кӧсйӧм, спорт радейтӧм да нимӧдӧм ӧтувтӧ командаын водзмӧстчысь спортсменъясӧс. Тренируйтчӧны весиг шойчан лунӧ водз асывсянь.

Октябрь 14 лунӧ найӧ мӧдӧдчисны Кирово-Чепецкӧ мини-хоккейон ворсан Россияса Кубок вылӧ, аддзысьлісны вылыс лигаса командаяскӧд. Тані «любительяс» паныдасисны «профессиональяскӧд». Вермасьмӧм вылӧ «Сыктывкарлы» ветлыны отсалісны мача хоккейон ворсан регионса да Россияса федерацияс.

Кызди и кольӧм во, «Сыктывкар» пырӧдчас командаяс пӧвстын быдвося мача хоккейон ворсан первенствоӧ. Сійӧ лоӧ Сыктывкарын декабрьянь мартӧдз да ӧтувтас «любительяслӧн» командаясыс 200 гӧгӧр спортсменӧс.

Ноябрын «Сыктывкар» мӧдӧдчас Финляндияса Лашеенранта карӧ, кытӧн лоӧ ветеранъяс пӧвстын мирса Кубок. Ставнас сэки ворсас 16 команда, тшӧтш и Швециясыс, Финляндиясыс, Эстониясыс. Сідзкӧ, сиам Сыктывкарса хоккеистъяслы бура петкӧдчыны татшӧм вылыс тшупӧда ордысьсӧмын.

Хоккейон ворсан выль вермӧмъяс кындзи команда водзын сулалӧ нӧшта ӧти мог - восьтны хоккейлы сиӧм история музей. «Сыктывкар» клубӧн веськӧдлысь Сергей Хорев шыӧдчӧ, эм кӧ кодлӧнкӧ хоккейкӧд йитчӧм важся эмбур, снимок, важся паськӧм - позьӧ козынавы «Сыктывкарлы».

- Республикаса уна кар-районын эм хоккейон ворсны радейтысьяс, эмӧсь хоккейон ворсан кӧрӧбкаяс. Эм кӧ окоталун - вермам волыны ворсны сиктса командаяскӧд. Чайта, татшӧм аддзысьлӧмыс кышыда кольӧ, а ми окотапырысь петкӧдлам мастер-класс, - висьталӧ Сергей Хорев. - Эм нин мӧвп волыны Кӧрткерӧс районӧ да Чилимдінӧ.

**Екатерина МИКУШЕВА**





Быд ар Усинск районса Щельябжын овлө сиктса школаяс костын спартакиада. Таво сійӧс нуӧдिसны дас кыкӧдысь нин.

# И ордйысисны, и ёртъяскӧд аддзысьлісны

Сентябрь помын Щельябжӧ локтісны Мутной Материкысь, Денисовысь, Закарваньысь, Лыжавомысь да Усвавомысь спортсменъяс. Найӧ воисны ордйысьны асланыс вынъяснаныс: кодӧ медся ылӧ шыбитас граната либӧ мач, кодӧ медся ӧдйӧ котӧртас дженъид да кузь дистанцияс, кодӧ чечыштас медся ылӧдз. Сідзжӧ ставныслы окота вӧлі аддзысьлыны тӧдса ёртъяскӧд.



Медводдза лунӧ ичӧтджык арлыда спортсменъяс шыблалісны мач, а верстыӧджыкъяс - 500 грамм сьӧкта граната. Медводдза медаль миян сиктысь босьтіс 8 класса велӧдчысь Дмитрий Терентьев, кодӧ лои мӧд местаын граната шыблалӧмын.

Мӧд лунас ставныс чукӧртчисны спортплощадка вылӧ. Ордйысьӧмъясын медшӧр судья Георгий Дмитриевич Напалков висыталіс, мый лоӧ тайӧ лунӧ. И со заводитчис чеччалӧм кузя ордйысьӧм. Ёна и радлім, кор 9-ӧд класса велӧдчысь Евгений Терентьев босьтіс медводдза места аслас арлыдаяс пӧвстын ылӧ чеччыштӧмын. А спринт котӧртӧмын Анна Канева да Александра Терентьева босьтісны коймӧд местаяс.



Чолӧмалӧм бӧрын Щельябжса школаясь велӧдысьяс нуӧдिसны «Коми ворсӧмгъяс». Спартакиадалӧн мӧд луныс помасис дискотекаӧн.

Медбӧрря лунас котралісны да вӧлі эстафета. Миян грездысь медся тэрыбгъясӧн лоины: Анна Канева, Вероника Семьяшкина, Александра Терентьева да Дмитрий Терентьев. Спартакиада помасис эстафетаӧн.

Спартакиадалы кывкӧртӧдъяс вӧчӧм бӧрын лои тӧдса, мый медводдза места шедӧдिसны кӧзяева - Щельябжса команда, мӧдӧн лоины усвавомса, коймӧдӧн - закарваньса.

Денисов грездса котыр аттӧбалӧ ассыныс тренеръяснысӧ - Галина Васильевна Семьяшкинаӧс да Наталия Викторовна Смирноваӧс - спартакиада кежлӧ дасьтӧмысь. А сиктса томуров водзӧ виччысьӧны нин тӧвса спартакиада да вӧляныкысь заводитӧны нин дасьтысьны сы кежлӧ.

**Юлия КАНЕВА,  
9 класса велӧдчысь да старшӧй вожатӧй  
Наталия Викторовна СМИРНОВА,  
Усинск районса Щельябж сикт.**



**ШӨПКӨДЧЫШТАМ** *Челядьыд кымын быдмөны, сымын сьөкыд-джык накөд воөдчыны өти кывйө. Мый вөчны бать-мамлы? Кыдзи сёрнитны ныв-пикөд? Кыдзи наысь быдтыны прамой йөзөс?.. Тайө да мукөд татшөмсяма юалөм вылө вермасны вочавидзны сөмын специалистъяс, мөд ногөн кө, велөдчөм войтыр, кодъяслөн эм ыджыдкодь нин опыт.*

# Челядьыд пыр кежлө колясны челядьөн

Тырмытөмторъяс...  
КЫДЗИ НАЫСЬ  
МЫНТӨДЧЫНЫ?

Быдтысигас на мам-бать тшөкыда вөчөны уна сикас тырмытөмтор. Гашкө, чайтөны, мый 10 арөс кө тырис нин нылыслы либө пиыслы, сийө быгттьө ыджыд, вермас став мытшөдсө разны ачыс. Татшөмыс оз овлы. Сэсса өд унджык бать-мамыслы сөмын отитор колө: медым нылыс либө пиыс вөлі бура сөйөма, мичаа пасьтасьөма, да и мед йөзсьыс торъявтөг новлөдліс бур планшет либө телефон да с.в.

А өд олөмад медколанаыс, медым том морт лыддис тэнө ас мортөн, кодкөд позьө юксьыны став гусьаторнас.



**Бать-мамлы төд вылө:**

\* Быдтасыды оз ков сетны овны сөмын ас кежсьыс. Сийө кутшөмкө кад вылө сөмын вермө лоны прөстөн, өткөн. Бур эськө вөлі, медым кагаыд кутшөмкө колана удж бергөдіс либө ветліс сьөлөм сертиыс бөрийөм секция-кружокө.

\* Но та вылө видзөдтөг, верстьөлы пыр колө төдны, көні тайө звукас ныв-пиыс, кодкөд аддзысьлө, кутшөмөсь этш сертиыс сьлөн өртъясыс. Колө кужны воны өти кывйө быдтасыскөд, корсьны кутшөмкө өтувья удж, унджык сёрнитны. И сөмын сэки том морт вермас восьтыны сьөлөмсө аслас бать-мамыслы, висьтавны мытшөдъяс йылысь.

\* Оз жө бурөн ло и вывті ёна быдтастө радейтөм-лелькуйтөм. Мортыды колө быдмыны, верстьамыны, содтыны вежөр-сямсө. А тайөс вермас сетны сөмын ачыс олөмыс, мытшөдъяс венөм, өртъяскөд олөм-вылөм да уна мукөдтор.







✳ Том мортысь оз ков вöчны кумир сямäос да зильны пöртны оломö став сылысь кöсиймсö. Ныв-пиыд велаласны, мый став мытшöдсö бырöдöны бать-мам. А кор тi онö лоий матын, мый сийö кутас вöчны? Код дорö шыöдчас отсöгла? Та йылысь мөвпыштöй водзвыв да вöчöй кола-на кывкöртöд.

✳ Но и вывти стрöгөн том морткöд оз жö ков лоны, медым сийö эз пов висывавны кутшöмкö лёктор йылысь. А сöмын мед тöдiс - быд прöступокысь кывкутны кутас ачыс. И видчыны-чиршöд-лыны колö мөрччана кывъясөн, а оз тасмаён.

✳ Шуам, семьяын некымын челядь. Ичöтгыстö пыр тай ёнджыка радейтöны. А медыджыд быдтасыд пыр кольö медыджыдөн. Оз ков öддортны сийöс - и медыджыд ныв-пиыдды колö сэтшöм жö радейтöм, кыдзи медся ичöтыды.



**Бать-маммы аслас быдтасыд пыр кeжлö кольö челядьöн. Радейтöй сийöс, кылöй сылысь гуся юалöмъяссö, отсалöй да сетöй сылы позянлун быдмыны ыджыд вежöра прамöй мортöдз.**

«Коми йöзöдчан керка»  
Коми Республикаса  
автономнöй учреждение,  
«Йöлöга» газет  
редакция.

**Адрес:**

167982, Сыктывкар,  
К.Маркс улича,  
229-öd керка,  
401-402 кабинетъяс.  
Тел. 24-12-22, 24-36-49.

E-mail: Yologa@mail.ru

**Веськöдлысь**  
**В.В.ПОПОВ**  
**Гл.редактор**  
**Г.В.МАКАРОВА**



Газет панысь:  
Печать да юр сетан Коми  
Республикаса агентствö.  
Регистрируйтöма  
2007 вося ноябрь 28 лунö  
йöзлы юр сетом да  
культураса озырлун видзöм  
кузя оланпасьяс  
збыльмөдöм бöрся  
видзöдысь федеральнöй  
службалөн Беломорскöй  
управлениеын.

Регистрирутан пас:

ПИ №ФС 3-0686.

Социальнöй тöдчанлуна  
гижöдъяссö йöзöдöма «Коми  
йöзöдчан керка» автономнöй  
учреждениеы печать да юр  
сетан КР-са агентствöн  
вичмөдöм сьом вылö.



**Редакцияын**  
**уджалысьяс:**  
**том йöзлөн мытшöдъяс**  
**юкөнөн веськöдлысь –**  
Надежда Пунегова;

**письмö юкөнөн**  
**веськöдлысь –**  
Екатерина Микушева.



Медводдза лист бокас  
снимокыс  
Екатерина  
Микушевэлөн.



Авторъяслөн мөвпьяс оз  
пыр лöсаявны редакциялөн  
видзöдласкöд.



Тираж – 488  
Гижöдчан индекс – 52099.  
«Йöлöга» газет петö  
1991-öd восянь  
вежоннас öтчыд, комиён.  
Доныс сёрнитчöмөн.



Печатьö кырымалан кад:  
график серти – октябрь  
тöлысьлөн 15-öd лунö  
16 часын; кырымалöма  
печатьö 16 часын.  
Газет печатайтöма  
«Коми республиканскöй  
типография» ООО-ын дась  
оригинал-макетъясысь.  
167610, Сыктывкар,  
В.Савин улича, 81  
Заказ №



# ВӨЛӨМКӨ

## СТАВЫС СИНЛЫС ЫЫЛЫС...

- Синлыслөн «олөмыс» нюжалө сөмын

- Мам кынөмын на быдмысь дзюлюклөн синлыскыс заводитө быдмыны көкъямысөд вежон дырйи нин.

- Юрсиыдлөн да синлысыдлөн рөмыс вермас ёна торъявны.

- Вылысса синлысын 200 гөгөр сi, а улыссаас - кык пөв этшаджык.

- Вылысса синлыслөн кузъятаыс 1,3 сантиметр кымын, улыссаыслөн - кык пөв дженьыдджык.

- Мича да кузь синлыска ань вылө зонъяс ёнджыка видзөдлөны да нимкодъясьөны.

- Синлыс видзө синмө ёг веськалөмысь да доймалөмысь.

- Синлыс артмөма 3% ваысь да 97% кератин белокаысь.

- Төдөй, мый синлысыд оз өти радөн быдмы. Выліас вермас лоны квайт радөдз, а улысас - нельөдз.

- Медся кузь синлыс быдмылөма 47 миллиметрөдз.

- Аспирин лекарство тшөкыда юысьяслөн синлыс оз быдмы, а вермө на весиг и гежөдджыкөн лоны.

- Медся кузь да кыз синлыска пемөсьяс - тайө верблюдъяс. И сөмын йөлөн вердысь зверъяслөн эм синлыскыд.

- Этша синлыска морт водзын лыддыссьыліс зэв скөрөн да пинясьысьөн.

- Физиогномика туялысьяс серти, мортлөн синлыс серти позьө гөгөрвоны сылысь этшсө.

- Медводдзаясөн синлыс краситны заводитөмаөсь Древнөй Египетын олысь аньяс.

- Важся Римын нывбабаяс тушь пыдди мавтчөмаөсь ва пытшкын нырөм да гудралөм сви-нечөн.

- Важөн олысьяс эскылөмаөсь, мый краситөм синлыс видзө найөс лекторъясысь.

- Хадза племяын олысьяс өнөдз шырөны синлыссө - тадзи найө петкөдлөны асланыс Ен дорө пыдди пуктөмсө.

- Медводдза тушь Maybelline котыр лэдзлөма 1917 воын. Сійөс вөлі вөчөма сьөд из шомысь да вазелинысь. Тайө жө воө модельяслы медводдзаяысь пысалөмаөсь пуктөм синлыс.

